



Սիպիլ

Թիթեռնիկը և մեղուն

(Հին առակ)

Կես օրին մոտ, հոգնած դադրած՝
Մեղուն փեթակ կը փութար,
Առտուն կանուխ, արևուն հետ էր ելեր,
Եվ ծիլե ծիլ ոստոստելով օդահած,
Ծաղիկներուն ծրծեր էր հյութն ու նեկտար,
Ավարելով առէչքներուն նուրբ թելեր:
Իր բեռան տակ՝ ճընշըված խոնջ ու անձայն
Եկավ վարդին վրա թառիլ խավարծի,
Ուր կը տաքնար թիթեռնիկ մը գունագեղ
Արևուն ջերմ ցուքերուն տակ ջինջ, շրքեղ:
Թևիկները թավիշ էին
Փետուրի պես, դեփ-դեղին,
Վըրան մանրիկ կիտվածներով թավարծի,
Ուր սև նիշեր բանված էին ցիր ու ցան:
«Խո՛ւ թիթեռնիկ, ըսավ մեղուն ծաղկասուն:
«Դուն անպիտա՛ն անասուն,
«Ի՞նչ կ'ընես հող արևուն տակ
«Պարզած թևերդ այլանդակ:

«Աղվորությո՞ւն ցուցադրելու կ'ելլես դուն,
«Ժիր մեղուներն երբ կ'աշխատին եռանդուն»:
«Կարծածիդ պես անպիտան չեմ,
«Թիթեռն ըսավ մեղմաբար,
«Մի՛ նախատեր գիս, կ'աղաչեմ,
«Մ'ըլլար այդքան սընափառ:
«Աղվոր ըլլալ մե՞ղք կը կարծես

«Որ երեսիս կը գարնես:
«Տըգեղ ես դուն, սակայն, ըսի՞
«Երբեք կոշտ բառ մը քեզի»:
«Օգուտդ ի՞նչ է, ըսե՛ նայինք, փո՛ւճ էակ,
«Եթերին մեջ, վեր վար թռիլ ու թառիլ
«Հիրիկեն վարդ, վարդեն հասմիկ թափառիլ,
«Բան գործ ընել օրն ի բուն խաղն ու կատակ
«Լիրբ ձևերով խեղկատակ:
«Մինչ ես կռեզեն ոսկեփրփուր
«Կը քաղեմ մեղր անուշակ,
«Եվ փեթակիս մեջ կը շինեմ թաքթաքուր
«Մարդուց համեղ կերակուր
«Թալլելով թյում, մանուշակ»:
«Տիկի՛ն մեղու, մըտիկ ըրե՛, գոչեց թիթեռն օդապար,
«Կը կարծես թե կերվա՞ծն է լոկ օգտակար:
«Գեղեցիկն ալ չունի՞ օգուտ մեր սրբոհն.
«Շատեր իրենց տաղանդն անոր կը պարտին:
«Մարդիկ, իրա՛վ, հարգ կ'ընծայեն ցորենին
«Որ կուշտ մընա փորերնին,
«Բայց գրրգանքով կը հոտոտեն թավշալանջ
«Շեկ քրքումներն ու հափուկները կանանչ...
«Եթե մեղրով քինքին հաճույք կուտաս դուն,
«Իմ հըմայքս ալ աչքին հըրճվանքն է մարդուն:
«Մի՛ նախանձեր իմ ձիրքերես,
«Գիտցի՛ր, արդար է Աստված:

«Քեզ ուժ տրվավ որ բեռ կրես,

«Իմ թներուս ալ կհտված:

«Ես քու մեղքիդ, ոչ ալ մոմիդ չեմ տենչար.

«Դուն ալ մըլլար լեզվով խայթող, սրտով չար»: